

ጳውሎስ ታሶሎንቄ አሳሰ ጻፊዳ ኮይሮ ኪታ ጊዶ ቆፋ

ታሶሎንቄይ ማቂዶኒያ ጌቲቲዛ ኦሮሜስ ዋና ካታማ። ጳውሎስ ታሶሎንቄ ዋሳ ከላዮ ኤሲዳይ ፒሊጲሲዮሴ ዩጊ ቢዳፔ ጉዩና። ሄራካ ኢሲ አገና ኩሞንታ ዲሺን አይሁዳቲ ኢዚ ፒሊጲሲዮሴ ዩጊ ቢዳይሳ ሲዱዳ፤ ሄሳ ጊሻሰ ጳውሎስ ኢስታሰ ጻፊዳ ባ ኪታዛን ሚሺራቾ ቃላ ቃንላራ ቆንጪሲዴስ። (1፡9-10) ኢስቲካ አይሁዳታ አማኖ ኤካናሰ ማቲ ኡቲዳ አይዛቤቲ ጳውሎስ ዮቲዛ አማኖን ዋዚና ቦሼቲዳ። ሄሳ ጊሻሰ አይሁዳቲ ቃናቴቲላን ጳውሎስ ቦላ ፓላማ ዴንሒዳ፤ ሄሳ ጊሻሰ ጳውሎስ ታሶሎንቄ ዩጊዲ ጌዴ ቤሪያ ባናይሲ ኢዛሰ ማኔ ጊዲዴስ። ጉላ ጋሞኢሼ ቆሮንቶሴ ካታማ ቢ ጋኪዳ ማላ ጸምቶሲ ዋሳ ከላይ ሃኒዛይሳ ወርሲካ ኢዛሰ ዮቲዴስ።

ጳውሎስ ኮይሮ ኪታ ታሶሎንቄ አሳሰ ጻፊዳይ አማኒዛይታ ዴንሒላናሲኔ ሚንሒላናሳ፤ ኢዚ ኢስታ ሎኦ አማኖ ጊሻሲኔ ኢስታ ሲቆቲላ ጊሻሰ ሎኦ ዋሪ ሲዱዲ ጸሰ ጋላቲዴስ። ካሴ ጳውሎስ ኢስታራ ዲዛ ዋዴ ኢዚ ኢስታራ አይ ማላ ዴሰ ዴኢዳኮ ኢስታ ቆፍሴሰ፤ ሄሳፊካ ኪርሰቶሳሰ ናምኣንሶ ዩሳ ጊሻሰ ዴንዲዳ ኦይሻታሰ ዛሮ ኢሜስ።

ሄ ኦይሻታፔ ባጋይቲ፥ «ኪርሰቶሲ ሃ ሲሚ ያናፔ ካሴቲዲ ካሴ ሃይቂዳ አማኒዛ አሳይ ኪርሰቶሳ ዩሳን ቤቲዛ ሜርና ዴኦ ዴማኔ?» ጊዛይታ። ጳውሎስካ ሄሳ ጋሶ ሂሰቲዲ፥ «ኪርሰቶሳሰ ናምኣንሶ ዩሳ ቲሚርቲዛ ሂዶታን ናጊሼ ሄ ዋዴ ጋካናሰ ጮኡ ጊዲ ኢንቲ ኦሶ ኦሒቲ» ጊዲ ኢስታ ዞሬስ።

ሃ ማጻፋይ ኦይኪዳ ኩሜሳ ቆፋ

ጌሎሶ 1፡1

ጳውሎስ ኡፋይሲኔ ኢዛ ጋላታ 1፡2—3፡13

አማኒዛ አሳይ ካላና ዋጋ 4፡1-12

ኪርሰቶሲ ናምኣንሶ ያና ዩሳ ጊሻሰ ኢሜቲዳ ቲሚርቲ 4፡13

—5፡11

ወርሴላ ዞሬ 5፡12-22

ኩሻ ቆፋ 5:23-28

¹ ጳውሎስ፣ ሲልዋኖሳፔኔ ጸምቶሳፔ፤ ጸሓፊው ገደብ ይሆናል፤ ከርሰቶሳይታ ጊዲዳ ታሶሎንቄን ዲዛ አማኒዛ አሳሰ ኑ አዋ ጸሓፊኔ ገደብ ይሆናል፤ ከርሰቶሳ ከያቴሌኔ ሳሮቴሌ ኢንቴስ ጊደ።

ታሶሎንቄን አማኒዛ አሳ አማኖ ጊሻስ ሸቂዳ ጋላታ

² ኑ ኢንቴና ኑ ዋሳን ቆፒሼ ኡባ ዋዴ ጸሓፊ ኢንቴ ጊሻስ ጋላቶስ።

³ አማኖኒኔ ሚኖ ሲቆቴላን ኢንቴ ኦሊዳ ኦሶ ጊሻስ ገደብ ይሆናል፤ ከርሰቶሳ ቦላ ዲዛ ኢንቴ ሚኖ ሂደታን ቤቴዳ ኢንቴ ሚኖቴላ ጊሻስ ኑ ገደብ ጸሓፊ፤ ኑ አዋ ሲንላን ኡባ ጋላስ ኢንቴ ጊሻስ ቆፖስ።

⁴ ጸሓፊን ደሴቴዳ ኑ አሻቶ! ኢዚ ኢንቴና ደሪዳይሳ ኑ ኤርስ።

⁵ ጋሶይካ ሚሽራቾ ቃላይ ኢንቴኮ ዪዳይ ዋልቃራ ዲሎ አያናኒኔ ሎኤሌ ሻኪ ኤሪን ኣቲን ጮ ቃላ ጸሓፊ ጊደና፤ ቃሴካ ኑ ኢንቴ ጊሻስ ጊዲ ዋኒ ዳኢዳኮ ኢንቴ ኤሬታ።

⁶ ሃኢ ኢንቴ ኦናኔ ገደብ ሚሳቲዴታ፤ ኢንቴ ቦላ አይ ሜቶይ ጋኪዳ ጊዲኮካ ዲሎ አያና ኡፋይሳን ቃላ ኢንቴ ኤኪዴታ።

⁷ ሄሳፌ ዴንዲዳይሳን ኢንቴ ማቂደኒያኒኔ ኣካያን አማኒዛ አሳ ኡባስ ሎኦ ለሚሶታ ጊዲዴታ።

⁸ ገደብ ቃላይ ኢንቴፌ ኬዚዲ ማቂደኒያኒኔ ኣካያን ሲዬቴላ ጸሓ ጊደንታ ኢንቴስ ጸሓ ቦላ ዲዛ አማኖይ ኡባሶን ኤሬቴዴስ፤ ሄሳ ጊሻስ ኑ ኢንቴስ ዮታናስ አይኮካ ኮሼና።

⁹ ኢንቴ ኦና ዋስቲ ሞኪ ኤኪዳኮኔ ዴኦን ዲዛ ቱሙ ጸሓስ ኦፋናስ ኢንቴ ኤቃታፔ ጸሓኮ ዋኒ ሲሚዳኮ አሳይ ኢንቴ ጊሻስ ሃሳዬስ።

¹⁰ ቃሴካ ጸሓ ሃይቆፔ ዴንዲዳይሳ ቡሮ ያና ሃንቆፌ ኦና አሻና ሳሎፔ ያና ጸሓ ና ዬሱሳ ዩሳ ኢንቴ ዋስቲ ናጊዛኮ አሳይ ሃሳዬስ።

2

ታሶሎንቄን ጳውሎስ ኦሶ

¹ ኑ አሻቶ! ኑ ኢንቴኮን ጋሞኢዳ ጋሞኦይ ሃዳ ጊደንታይሳ ኢንቴካ ኤሬታ።

² ኢንቴካ ኤሪዛይሳ ማላ ሃይሳፌ ካሴ ፒሊጲሲዮሴን ኑ ዋዬኔ ሜቶ ቤኢደሲኔ ጫዬቴደስ፤ ጊደ ኣቲን አይኔ ሚኖ ዋዬይ ኦና ጋኪኮካ ጸሓ ሚሽራቾ ቃላ ኢንቴስ ዮታናስ ኑ ገደብ ጸሓቴላ ዴሚደስ።

3 ኑ እንቴና ዘሪዳ ዘሬይ ኢታ ቆፋራ ዋይኮ እንቴና ባሌፋናሰ ኮዪዲ ጊዴና።

4 ጊዶ ኣቲን ኑ ሚሺራቾ ቃላ ሃዳራ ኤካናሰ ዳንዳይዛ ኣሳታ ማላ ጸሲ ኑና ቆዲዳ ጊሻሰ ኑ ሃሳዮሰ፤ ሄሳካ ኑ ኦሊዛይ ኑ ዋዚና ፓጪ ኤሪዛ ጸሳ ኡፋይሳናሰ ኣቲን ኣሰ ኡፋይሳናሰ ጊዲ ጊዴና።

5 ኑ ሙሊካ ባሌፋ ቃላ ዮቲቤኮ ዋይኮ ኑ ኡዜቴላ ካማናሰ ጊዲ ባሌፋ ሃዮ ኑ ሃኖንታይሳ እንቴ ኤሬታ፤ ሃይሳሰካ ኑ ማርካይ ጸሳ።

6 እንቴፌ ጊዲን ዋይኮ ሃራታፔ ኦናፔካ ኣሳፔ ኢሜቲዛ ቦንቾ ኑ ኮዪቤኮ።

7 ኑ ኪርሰቶሲ ኪቲዳይታ ጊዲዳ ጊሻሰ እንቴሰ ቶሆ ጊዳናሰ ዳንዳዮሰ፤ ጊዶ ኣቲን ኣያ ባ ናይታ ዲቺዛ ማላ ኑኒካ እንቴ ጊዶን ኣሽኬቴላን ሲሜሬቲዶሰ።

8 ጸሳ ቃላ ጸላ ጊዶንታ ዲሺን ኑ ሸምፖካ እንቴ ጊሻሰ ኡፋይሳን ኢማና ጋካናሰ እንቴና ሲቂዶሰ፤ ጋሶይካ ኑ እንቴና ዳር ሲቂዳ ጊሻሳ።

9 ኑ ኢሻቶ! ኑ ዳፌቴላኔ ኑ ዳቡራ እንቴ ኤሬታ፤ ኦናሰካ ቶሆ ጊዶንታ ማላ ቃማኔ ጋላሰ ኑሰ ኦሊሼ ሚሺራቾ ቃላ እንቴሰ ዮቲዶሰ።

10 ኑ እንቴናራ ኣማኒዛይታራ ዲዛ ዋዴ ጸሎቴላኒኔ ጌሻቴላን ቃሴካ ዋሶይ ባይንዳ ኑ ዋኒ ዴኢዳኮ እንቴካ ጸሲካ ኑሰ ማርካ።

11 ኣዋይ ባ ናይታሰ ሃኒዛ ማላ ኑኒካ እንቴሰ ኢሳሰ ኢሳሰ ኣይ ሃኒዳኮ እንቴ ኤሬታ።

12 እንቴ እንቴና ባ ካዋቴላሲኔ ባ ቦንቾሰ ጸይጊዳ ጸሳሰ ቤሲዛ ማላ እንቴ ዳና ማላ ኑ እንቴና ሚንሊዶሰ፤ ሎኤሊ ዘሪዶሲኔ ሃዳራ ጊዶሰ።

13 እንቴ ኑፔ ሲዪዳ ጸሳ ቃላ ኤኪዳ ዋዴ ኣማኒዛ እንቴ ኣቻን ቱሙ ኦሊዛ ጸሳ ቃላ ማላ ኤኪዳታ ኣቲን ጮ ኣሳ ቃላ ማላ እንቴ ኤኮንታ ኣጊዳ ጊሻሰ ኑኒ ጸሳ ቃንጾይ ባይንዳ ጋላቶሰ።

14 ኑ ኢሻቶ! ዩሁዳ ቢታን ዬሱሰ ኪርሰቶሳ ኣማኒዛ ጸሳ ዋሳ ኬላታ ሚሳቲዴታ፤ ኢሰቲ ኣይሁዳታፔ ሜቶኔ ዋዬ ኤኪዳ ማላ እንቴካ እንቴ ኣሳፔ ዋዬ ኤኪዳታ።

15 ኢሰቲ ጎዳ ዬሱሳኔ ካሴ ናቤታካ ዋዲዳ፤ ኦናካ ጎዲዳ፤ ጸሳካ ኡፋይሲቤቴና፤ ኣሰ ኡባራ ኤቄቲዛይታ ጊዲዳ።

16 ሄሲካ ኣይዛቤቲ ሲዪዲ ኣታና ቃላ ኑ ኢስታስ ዮቶንታ ማላ ዲጋናሳ፤ ሄሳ ማላ ኑሶን ባ ናጋራ ኡባ ዋዴ ባ ቦላ ወርሴል ጋካናስ ጉጂ ጉጂ ቤቴስ፤ ጸሳ ሃንቆይካ ኢስታ ቦላ ዋዲዴስ።

ጳውሎሲ ታሶሎንቄ ኣሳ ቤያናስ ላሞቴል

17 ጊዲኮካ ኑ ኢሻቶ! ኑ ጉላ ዋዴስ ኢንቴፌ ኣያናን ጊዶንታ ኣሾን ሻኬቲኮካ ኢንቴ ላሞታይ ኑና ዋዲዛ ጊሻስ ኢንቴ ኣይፌሶ ቤያናስ ዳሮ ዳፌቴላን ደስ።

18 ኑ ኢንቴኮ ባናስ ዳሮ ላሞቲዶስ ሺን ሃራፔካ ታ ጳውሎሲ ዳሮ ዋዴ ዳፌታዲስ ሺን ጸላኤይ ኑና ዲጊዴስ።

19 ጎዳ ዬሱሲ ሃ ዪዛ ዋዴ ኢዛ ሲንላን ኑ ሂዶታይ ዋይኮ ኑ ኡፋይሲ ዋይኮ ኑ ዛወዴይ ኑስ ኢንቴፌ ሃራይ ኦኔ?

20 ቱማፔካ ኑ ኡፋይሲኔ ኑ ቦንቾይ ኢንቴና።

3

1 ሄሳ ጊሻስ ኑስ ዳንዳዬቶንታ ኢጲን ሄ ዋዴ ኣቴናን ኑርካ ኑ ኣታናይሲ ኑስ ሎኦ ጊዲ ቤቲዴስ።

2 ኢንቴና ኣማኖን ሚንላና ማላ ኑናራ ኣሳስ ኪርስቶሳ ሚሺራቾ ቃላ ዮቲዛ ጸሳ ኣሽካራ ጊዲዳ ጸምቶሳ ኢንቴኮ ዬዲደስ።

3 ሄሲካ ሃይሳ ፓጩዛን ኦኒካ ኣማኖፔ ቃንጽንታ ማላሳ፤ ኦኒካ ሃይሳስ ዶሬቲዳይሳ ኢንቴካ ኤሬታ።

4 ኑ ቃሴ ኢንቴናራ ዲዛ ዋዴ ዋይይ ኑ ቦላ ጋካናይሳ ካሴቲዲ ኢንቴስ ዮቲደስ፤ ኢንቴ ኤሪዛ ማላካ ሃኒዴስ።

5 ሄሳ ጊሻስ ታ ኣይኮካ ጌንጩጩን ታስ ዳንዳዬቶንታ ኢጲዳ ጊሻስ ኢንቴ ኣማኖ ጊሻስ ኤራናስ ጋዳ ጸምቶሳ ኪታዲስ፤ ታ ሄሳ ኦሊዳይ ኦኔ ኤሪዛይ ፓጩዛዴይ ኢስታ ፓጩን ሃኒ ዋዴ ኑ ዳቡራይ ወሪካ ሃዳ ጊዶንታ ኣጌና ጋዳ ባቢዳ ጊሻሳ።

ጸምቶሲ ኤኪ ዪዳ ሚንጼሊዛ ቃላ

6 ሃኢ ቃሴ ጸምቶሲ ኢንቴ ኣቻፌ ኑኮ ዪዲ ኢንቴ ኣማኖ ጊሻሲኔ ኢንቴ ሲቆቴላ ጊሻስ ሎኦ ዋሬ ኑና ሲሲዴስ። ቃሴካ ኢንቴ ኡባ ዋዴ ኑና ሎኤሊ ቆፒዛይሳኔ ኦኒካ ኢንቴና ቤያናስ ላሞቲዛ ማላ ኢንቴካ ኑና ቤያናስ ላሞቲዛይሳ ኑስ ዮቲዴስ።

7 ሄሳ ጊሻስ ኑ ኢሻቶ! ኑ ዲዛይ ዋይኒኔ ሜቶ ጋርሳን ጊዲኮካ ኢንቴ ኣማኖ ጋሶን ኢንቴናን ሃኢ ኑ ሚኔቶስ።

8 ኢንቴ ጎዳን ሚኒ ኤቂዳ ጊሻስ ቱማፔ ሃኢ ኑ ፓጸ ዳና።

9 ኢንቴ ጋሶን ኑ ጸሓ ሲንፋን ኑ ዴሚዳ ኡባ ኡፋይሳ ጊሻሰ ጸሓ ኣይ ማላ ጋላታናሰ ዳንዳይዞኒ?

10 ቃሴካ ኑ ኢንቴና ቤያናሲኔ ኢንቴ ኣማኖፔ ፓጪዳይሳ ኩንፋናሰ ኦማርሲኔ ጋላሰ ኬሂ ዋሶሰ።

11 ሃኢካ ኑ ኢንቴኮ ባና ማላ ኑ ኣዋይ ጸሲ ጎዳ ዬሱሰ ኪርሰቶሲ ኦጌዛ ኢዚ ኑሰ ሱሪሶ።

12 ኑ ኢንቴና ሲቁዛ ማላ ኢንቴሰ ኢንቴ ጋርሳን ዲዛ ሲቆኔ ኢንቴ ሃራታ ሲቁዛ ሲቆዛ ጎዳይ ዳሪሶኔ ኬሂ ጉጆ።

13 ኑ ጎዳ ዬሱሰ ኪርሰቶሲ ጌሻታ ኡባታራ ዪዛ ዋዴ ኑ ኣዋ ጎዳ ጸሓ ሲንፋን ኢንቴ ዋሶይ ባይንዳይታኔ ጌሻታ ጊዲዲ ቤታና ማላ ኢንቴ ዋዚና ኢዚ ሚንሶ።

4

ጸሰ ኡፋይሲዛ ዱሰ

1 ሃኢ ዉርሴፋን ታ ኢሻቶ! ኢንቴ ጸሓ ኡፋይሳናሰ ኢንቴ ዋኒ ዋኒ ዳና ቤሲዛኮ ኑ ኢንቴና ታማርሲዶስ፤ ቱማፔካ ኑ ታማርሲዳ ማላ ዴታ፤ ሄሳ ጊሻሰ ጎዳ ዬሱሰ ኪርሰቶሳን ኑ ኢንቴና ዋሲዛይኔ ዘሪዛይ ሃይሳፌካ ኣጲዛ ሃኖራ ኢንቴ ሲንፋ ጉጆና ማላሳ።

2 ጎዳ ዬሱሰ ኪርሰቶሳ ዋልቃን ኑ ኢንቴሰ ኣይ ኣዛዞ ኢሚዳኮ ኢንቴ ኤሬታ።

3 ጸሓ ሼኔይ ኢንቴ ላይማፔ ሃኪዲ ዲማታናሳ።

4 ቃሴ ኢሲ ኢሲ ኣሳይ ባ ማቾ ጌሻቴፋኒኔ ቦንቾን ኣይሶ ቤሲዛይሳ ሻኪ ኤር።

5 ሄሲካ ጸሰ ኣማኖንታ ኣይዛቤታ ማላ ላይማ ቃቃቴፋን ጊዶፖ።

6 ሄሳ ማላን ኦኒካ ባሌቲዲ ባ ኢሻ ባሌፎ፤ ጋሶይካ ሃይሳፌ ካሴ ኑ ኢንቴሰ ዮቲዳ ማላኔ ናጌታናሰ ኣኬኪሲዳ ማላ ጎዳይ ሄይታንታ ማላ ናጋራ ኦሊዛ ኡባታ ቦላ ባ ሃንቆ ኤሃና።

7 ጸሲ ኑና ጌሻቴፋሰ ጸይጊዴሰ ኣቲን ቱናቴፋሰ ጸይጊቤና።

8 ሄሳ ጊሻሰ ሃይሳ ሃ ዘሪዛ ካጲዲ ኤኮንታዴይ ጸሎ ኣያና ኢዛሰ ኢሚዳ ጸሓ ካጲሰ ኣቲን ኣሰ ካጲዛዴ ጊዴና።

9 ኢሻታ ሲቆቴፋ ጊሻሰ ኢንቴሰ ኦኒካ ጸፋናሰ ኮሼና፤ ጋሶይካ ኢንቴ ኢንቴ ጊዶን ሲቁታና ማላ ኢንቴ ኢንቴ ባጋራ ጸሓፌ ታማርዴታ።

10 ኩሚፋ ማቂዶኒያን ዲዛ ኣማኒዛ ኣሳ ኢንቴ ኡባ ሲቁዛይሲ ኤሬቲዳይሳ፤ ጊዶ ኣቲን ኑ ኢሻቶ! ሲንፋ ባጋን ኢንቴ ሃይሳፌ ኣሊ ሲቁታና ማላ ኑ ኢንቴና ዞርሰ።

11 ኑ ሃይሳፌ ካሴ እንቴና አዛዚዳ ማላ እንቴ እንቴ ኩሼራ አሊቴ፤ ወፑ ጊ ዲቴ፤ እንቴሰ ጊዲዛይሳ ሎኤሊ ጸሊቴ።

12 ሄሲካ ጋላስ ጋላስ እንቴ ዲሳይ ሃንኮ አማኖንታ አሳ አቻን እንቴና ቦንቹሳና ማላኔ እንቴ አይ አሳሰካ ቶሆ ጊዶንታ ማላሳ።

ጎዳሰ ናምአንሉ ዩሰ

13 ታ አሻቶ! እንቴ አሾን ሃይቂዳይታ ጊሻሰ ቱማ ኤራና ማላ ኑ ኮኖኮ፤ ቃሴካ ሂዶታይ ባይንዳ ሃራ አሳታ ማላ እንቴ ካኖታና ማላ ኑ ኮኖኮ።

14 ዬሱሲ ሃይቂዲ ዴንዲዳይሳ ኑ አማኒዛ ጊዲኮ ዬሱሳ አማኒዳይታ ጸሲ ዬሱሳራ ሄሳሉካ ዛሪ ሃ ዬዳና።

15 ኑ ጎዳ ቃላን እንቴሰ ጊዛይ ሃይሳ፤ ኑሂ ሃይቆንታ ፓጸ ዲዛይቴኔ ጎዳይ ያና ጋካናሰ ጋምኣናይቲ ካሴ ሃይቂዳይታ፤ ሲንሳቶኮ።

16 ጎዳይ ባ ሁኤራ ጊታ አዛዞን ኪታንቻታ ሃላቃ ጊሪሳራ ጸሳ ጸሩምባ ጊሪሳን ሳሎ፤ ካሴ ኪርሰቶሳ አማኒዲ ሃይቂዳይቲ ኢሰቲ ካሴቲ ዴንዳና።

17 ሃሳፌ ጉዬ ኑሂ ቃሴ ፓጸ ዲዛይቲ ጎዳ ጫርኮ ቦላ ጋጋናሰ ኢሰታራ ኢሲፌ ሻራራ ዴንዳና፤ ሄሳሉካ ኑ ሜርናሰ ጎዳራ ዳና።

18 ሄሳ ጊሻሰ ሃ ቃላን ኢሶይ ኢሳራ ሚኔቲቴ።

5

1 ታ አሻቶ! ሄሲ ሃናና ወዴዛ ጊሻሰ ኑ እንቴሰ ጸፋናሰ ኩሼና።

2 ካይሶይ ቃማን ዪዛ ማላ ጎዳ ጋላሲካ ሄሳ ማላ ያናይሳ እንቴ እንቴ ባጋራ ሎኤሊ ኤሬታ።

3 አሳይ፥ «ጋዴይ ሳርኔ ሎኦኮ» ጊሺን ሚጸይ ቃንላራ ዲዛ ማጨሰ ኦይኪዛ ማላ ሄሳሉካ እሰ ቆይሲዛይ ቆፖንታ ዲሺን አሳ ቦላ ጋካና፤ ኑኒካ ኬሲ ኤኬና።

4 እንቴኖ አሻቶ! ሄ ጋላሳይ ካይሶ ማላ እንቴና ዳጋንላናሰ እንቴ ቆማን ዴኬታ።

5 እንቴ ዉሪካ ፖኦ ናይታ፤ ኑሂ ቆማ ወይኮ ቃማ ባጋታ ጊዶኮ።

6 ሂሰቲኮ እኔ ቤጎሰ፤ እኔ ኑርካ ኑና ሃርሰ እቲን ሃንኮ ጴሰኪዛ አሳ ማላ ኑኒካ እኔ ጴሰኮኮ።

7 ጴሰኪዛይቲ ቃማራ ጴሰኬቴሰ፤ ማላቲዛይቲካ ቃማራ ማላቲቴሰ።

8 ኑኒ ጊዲኮ ጋላሳ አሳታ ጊዲዳ ገሻሰ አማኖኔ ሲቆ፥ ቲራን ማይኢዛ ጸሩሬ ማይኦ ማላ ማይኢዲ አቶቴላ ሂዶታ ሁኔን ዋሊዛ ቢራታ ቆቤ ማላ ሁኔን ዋሊዲ እኔ ኑናቴላ ሃሪዲ ዴኦስ።

9 ጸሲ ኑ ጎዳ ዩሱሰ ኪርሰቶሳ ባጋራ አቶቴላ ዴማና ማላ አቲን ኑና ሃንቆሰ ጴይጊቤና።

10 ኑ ሃይቄኮካ ዋይኮ ፓጸ ዲኮካ ኢዛራ ዳና ማላ ኢዚ ኑ ገሻሰ ሃይቄዴሰ።

11 ሄሳ ገሻሰ ቱማፔ ኢንቴ ሃኢ ኦሊዛይሳ ማላካ ኢሶይ ኢሳራ ሚኔቲቴኔ ሚንፊሊቴ።

ወርሴላ ዞሬኔ ሳሮካ

12 ሂሰቲኮ ታ ኢሻቶ! ኢንቴ ጊዶን ሚኒ ኦሊዛይታ ጎዳን ኢንቴፌ ቦላራ ዲዛ ሃላቃታኔ ኢንቴና ዞሪዛይታ ኢንቴ ቦንቻና ማላ ኑ ኢንቴና ዋሶሰ።

13 ኢሰታ ኦሶ ገሻሲካ ኢሰታ ሲቆራ ሎኤሊ ቦንቺቴ፤ ኢንቴ ኢንቴ ጊዶን ሳሮን ዲቴ።

14 ታ ኢሻቶ! ኑ ኢንቴና፥ «ኦሶ ኦፋንታ አሳታ ሃንቄቲቴ፤ ባቢዛይታ ሚንፊሊቴ፤ ዳቡራንቻታ ማዲቴ፤ አሰ ኡባ ዳንዳይቴ» ገ ዞሮሰ።

15 አናሰካ ኢታ ገሻሰ ኢታ ዛሮንታ ማላ ናጌቲቴ፤ ጊዶ አቲን ኢንቴ ኢንቴ ጊዶን ጊዲን ሃራ አሳራ ጊዲን ኡባ ዋዴ ሎኦ ጊዲዛይሳ ኦላናሰ ባጽቲቴ።

16 ኡባ ዋዴ ኡፋዬቲቴ።

17 ቃንጽንታ ዋሶቴ።

18 አይ ሃኖንካ ጋላቲቴ፤ ጸሳ ሼኔይ ኢንቴሰ ዩሱሰ ኪርሰቶሳ ባጋራ ሄሳ።

19 ጸሎ አያና ታማ ቶይሶፍቴ።

20 ቲንቢቴ ቃላ ካጶፒቴ።

21 ወርሲካ ፓፌ ጸሊቴ፤ ሎኦ ጊዲዳዝ ኦይኪቴ።

22 ኢታ ጊዲዳ አይ ሚሻፌካ ሃኪቴ።

23 ሳሮቴላ ጎዳይ ኢዚ ኡባ ሚሻን ኢንቴና ዴማሶ፤ ኢንቴ አያናይ፥ ኢንቴ ሼምፖይኔ ኢንቴ አሾይ ጎዳ ዩሱሰ ኪርሰቶሲ ዩዛ ዋዴ ዋሶይ ባይንዳ ናጌቶ።

24 ኢንቴና ጴይጊዳይሲ አማኔቲዳዴ ጊዲዳ ገሻሰ ኢዚ ሄሳ ኦላና።

25 ኑ ኢሻቶ! ኑ ገሻሲካ ዋሶቴ።

26 አማኒዛይታ ኡባ ጌሻ ዩሬቴላን ሳሮኪቴ።

²⁷ ሃ ኪታይ ኣማኒዛይታስ ኡባስ ናባቤታና ማላ ጎዳ ሱንፋን ሃዳራ ጋይሰ።

²⁸ ኑ ጎዳ ዬሱስ ኪርሰቶስ ኣጵ ኪያቴሉ ኢንቴናራ ጊዶ።

ጌሻ ማጸፋ

Gamo: ጌሻ ማጸፋ Bible of Ethiopia, Ethiopic script

copyright © 2024 The Word for the World International

Language: Gamotso (Gamo)

Contributor: The Word for the World Northern Africa

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-03

PDF generated using Haiola and XeLaTeX on 2 May 2025 from source files dated 3 May 2025

d0ee6825-f93e-584e-8c8f-567d8d068e4b